



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Epitome Tribvnalis Sacramentalis Reverendissimi Patris
Petri Marchantii**

Zurmöllen, Heinrich

Neuhusii, 1677

Art. 5. De actibus Confessarij in Tribunali paenitentiae

urn:nbn:de:hbz:466:1-9734

pi tenentur approbationem dare Regula-
ribus privilegiatis per examen idoneis re-
pertis, quia Regulares privilegiati privile-
gio summi Pontificis jus ad dictam appro-
bationem habent, supposita idoneitate per
Episcoporum examen.

3. Ad approbationem autem simplici-
ter & judicium idoneitatis confessariorū
juxta Concil. Trident. sufficit approbatio
facta ab Episcopo Confessarij: in ordine
vero ad confessiones audiendas & absolu-
tionem salvis privilegijs requiritur appro-
batio Episcopi pænitentis. Quia nemo le-
gitime absolvī potest nisi ab habente juris-
dictionem in ipsum, solus autem Ordina-
rius pænitentis potest talem jurisdictionem dare.

Articulus Quintus.

De actibus Confessarij in tribunali pænitentiae.

1. **T**Res sunt actus primarij Confessa-
riorum, nemirum Examen rei sive
pænitentis, judicium de gravitate sive levi-
tate

tate culparum: & absolutio sive conde-
mnatio: secundarij vero actus sunt: In-
structio pænitentis, medela peccatorum,
consilium in anxietate.

2. Tenetur vero Confessarius exami-
nare pænitentem, quando probabiliter
credit aut suspicatur, eum peccaminose o-
mittere aliquid, quod est necessarium ad
Sacramenti pænitentiæ validam admini-
strationē (*dicitur quando probabiliter cre-
dit aut suspicatur pænitentem omittere*) non
enim vexare debet examine indiscreto
personas alias honeste instructas, doctas,
& quæ moraliter bene explicat peccata, ma-
xime si frequenter confiteantur. Probabi-
liter vero dicitur credere pænitentem al-
iquid omittere. 1. Si videatur ignorans vi-
cibiliter. 2. Si appareat nimia verecundia
in illo. 3. Si in materia gravi, nec nume-
rum nec circumstantias speciem mutantes
referat. 4. Si ita in confuso sua dicat ut
confessarius nullum determinatum judi-
cium de certo peccato facere possit. 5. Si
omnino nihil dicat nisi quod male fecerit.
Non tenetur vero nec potest absque pec-

F 6 cato

cato cónfessarius examinare pænitentem, si probabiliter prævideat ex isto examine grave aliquod peccatum oriundum v. G. quod ex isto examine pænitens accipiet incentivum ad peccatum, quod malitiam docebitur, &c. Hinc non tenetur Sacerdos pænitentem examinare discurrendo per omnia peccata, sed tantum per graviora & ea quæ attenta qualitate, statu, vocatione, conservatione, vel exercitijs personæ committi solent. Unde saepius tempus valde inutiliter terunt, qui ad singulas personas fere per omnia decalogi præcepta & per minutias observantias discurrunt.

3. Huc referri debet casus: quando ob angustiam temporis, multitudinem adventantium, imperitiam pænitentis, importunitatem recordationis, vel quia multo tempore non est confessus, vel quia invalide multis annis confessus est: non potest confessarius pænitentem examinare, nec convenit illum remittere, tunc potest de gravioribus aliquot peccatis illum examinare, & ad universalem contritionem affirmum propositum se examinandi & alio-

tempore redeundi excitare & sic illum absolvere.

4. Confessarius tenetur sub peccato instruere p̄nitentem , ubi apparet illi inesse ignorantia culpabilis, quę obicem poseret Sacramento. Insuper tenetur instruere illum de ijs quæ necessitate medijs necessaria sunt ad salutem , quatenus ad dispositionem ejus ad hoc Sacramentum hic & nunc requiruntur. Impertinenter vero & non sine peccato faciunt, qui in confessione tempus terunt instructionibus ad hoc Sacramentum non facientibus , nimis de exercitijs Spiritualibus , de moribus & directione filiarum Spiritualium. Quia hæc sunt contra puritatem hujus iudicij, in quo si aliqua doctrina requiratur, non alia requiritur quam in ordine ad absolutionem peccatorum.

Articulus Sextus.

*De peccato pro ut est Materia
Confessionis.*

1. **P**Ecatum definitur esse : dictum factum vel concupitum contra legem Dei